

## TATĀLO FA'ATASI – TU'UTU'U I LE LOLOTO – Aso Tofi 30 Mati 2023

### FA'ATOMUAGA

O se vāega o le Fuafuaga o Galuega a le Teritori e aofia ai Niu Sila, Fiti, Toga ma Sāmoa o lo o fa'amausalīina ai le ātina'eina ma le fa'alolotoina ātili o le ola fa'aleagaga ma le feso'otaiga vāvālalata ma lo tātou Atua alofa, le Atua o le Fofoaga.

O le 'tatālo fa'atasi', o lo tātou naunau e āga'i fa'atasi i mea loloto, e fa'amanatu le afio ai o le Atua i o tātou ōlaga ma sa'ili lana fa'asinoga mo le lumana'i.

O ā tātou fono tātalo uma e faia i luga o 'upega tafa'ilagi ma itūlau nei o le Tu'utu'u i le Loloto o le a iai se 'upu mai le Tusi Pa'ia tātou te māfaufau i ai, o se fa'atinoga fa'aleagaga ma ni matā'upu tātalo tātou te tāula'i i ai. Fa'afetai le 'auai i lenei faigāmalaga fa'atasi ma i mātou. Masalo e lelei ona mānatunatu poo iai nisi e fia 'auai ma tātou fa'asoa fa'atasi i le Talosaga Faifa'atasi.

### FA'ATA'ITA'IGA FA'ALEAGAGA Tusigā Ata

- Māfaufau pei o lo o e iloa atu i fafo o lou fa'amalama le lā'au aupito sili ona e fiafia iai. Tusi le ata o le mea o lo o e va'aia i le itūlau pito i tua.
- Māfaufau o le lā'au o lou ōlaga lea.
- O ā fua o lou ōlaga o lo o va'aia e i lātou o lo o si'osi'omia oe? Tusi mea nei i luga o le lā'au.
- Na e tusia le ata o a'a o le lā'au?
- O le ā le mea o lo o fa'atūmauina le feso'otaiga o 'oe ma Keriso, le pogai o le ola uma?
- Tusi mea nei i luga o a'a o lau lā'au.

### MĀFAUFAUGA FA'ALEAGAGA

- Faitau le Ieremia 17:7-8  
*'Amu'ia le tagata o lē fa'atuatua i le Ali'i, o lē ua fai le Ali'i ma ona fa'atuatua. Auā o ia ua fa'apei o le lā'au ua totō i tafatafa ane o le vai, ua sosolo atu ona a'a i tafatafa ane o le vaitafe na te lē iloa fo'i pe a o'o mai le vevela, ae lauolaola ona lau; e lē atuavale i le tausaga o le lā mala, e fua mai pea lava ona fua.*
- E fa'apei le mālosi, le loloto ma le tāua o ou a'a?
- E fa'apēfea ona e feso'ota'i i le vaitafe o le ola, le alofa tūnoa o le Atua
- O ā feso'ota'iga o punāvai ola po o ni tagata o lo o fa'amālosia, fa'alototele, ma fesoasoani iā te 'oe ina ia e tuputupu a'e pea iā Iesu? Fa'aopoopo i lau ata.
- O mau lelei ou a'a? O ā mea e te mo'omia ina ia fa'amālosia ia mea?

### MATĀ'UPU TATĀLO

- Mo i lātou uma o lo o feso'otai ma le 'Autau o le Fa'aolataga ina ia tu'utu'u i le loloto fa'atasi ma Keriso.
- Ina ia tatala le avanoa e iloa ai nisi 'auala fou e feso'otai ai ma le Atua.
- Ina ia fa'asoa fa'alaua'itele i le vaitau o le 'Ēseta, le fe'au iā Iesu, o le Fa'amoemoe o le lalolagi,
- Tātalo mo le puipuiga o tupulaga talavou ma ō lātou ta'ita'i a o 'auai atu i Tōlauapiga o le 'Ēseta, ina ia lātou fetai'i ma le Agaga Pa'ia i se 'auala mata'utia

### TATĀLO mai iā Carol Penner

Fesoasoani mai ina ia a'oa'oina i mātou e ala i lā'au ina ia 'avea mātou ma ou nu'u.

Pei o le lā'au mālosi ma le loloto o ona a'a, ia fa'atūmauina mātou i lau 'Upu, i totonu o le nu'u, i le tātalo.

Fa'apei o le gārava ua ōia i le matagi,

Fa'amālosia mātou ina ia tūtūmau i le taimi o le vevesi ma tofotofoga.

Fa'apei o le paina uliuli e maualuga, moni ma sa'o, ia faia ni loto mamā ma ni māfaufau lelei mo i mātou, e va'ava'ai atu iā te 'Oe i taimi uma.

E pei o le gāsēsē o le pāpola, e susulu ma 'i'ila, fōa'i mai le 'oli'oli i taimi o matagi o le ola.

Fa'apei o le sūkāmōru matagōfie o lo o laina i 'auala o le 'a'ai, ia fa'amālosia mātou e tutupu a'e i mea ua totōina ai, tusa lava po o le ā le tūlaga o iai.

Fa'apei o le lā'au o le pea, 'avea mātou ma lā'au e fua tele ma aveva ma mea suamalie i le ōlaga o i lātou o lo o si'omia i mātou. Fa'apei o le 'ārasi manogi, e lanu lau'ava i vaitau faigatā, fa'ataga mātou ina ia fua mai ni fua manogi o le alofa e o'o lava i taimi mātou te mafatia ai.

Manatua ai le lā'au i Kalevārio, a'oa'o mai iā i mātou le tāua o le amoina o mātou sātāuro i aso ta'itasi e ala i le 'au'auna atu mo isi tagata.